



ERASMUS+

Međunarodna Kreditna Mobilnost

MEĐUNARODNA KREDITNA MOBILNOST
(International Credit Mobility)
- dopunjenoizdanje-

Univerzitet u Travniku
Služba za međunarodnusatradnju
januar 2019. godine

Sadržaj

PROJEKT MOBILNOSTI ZA STUDENTE I OSOBLJE U VISOKOM OBRAZOVANJU	2
MOBILNOST STUDENATA:	2
MOBILNOST OSOBLJA:	2
Dokumenti za ostvarivanje saradnje između Univerziteta.....	3
a) Glavni sporazum (Grant Agreement).	3
b) Međuinstitucijski sporazum (Inter-Institutional Agreement)	3
c) Ugovor o učenju/radu/istraživanju (Learning and Mobility Agreement).....	3
d) Ugovor učesnika (the Participants Grant Agreement)	4
Iznosi Erasmus+ stipendija	4
STUDENTI.....	4
Akademsko/administrativno osoblje	5
3.2. Putni troškovi.....	6
3.3. Troškovi osiguranja i vize.....	7
3.4. Troškovi smještaja	7
3.5. Troškovi školarine.....	7

PROJEKT MOBILNOSTI ZA STUDENTE I OSOBLJE U VISOKOM OBRAZOVANJU

Projekat mobilnosti kao KA1 podrazumijeva jednu ili više sljedećih aktivnosti:

MOBILNOST STUDENATA:

Mobilnost studenata može se obuhvatiti bilo koje područje studije odnosno akademske discipline. U svrhu obavljanja što efikasnije i kvalitetnije mobilnosti, trebala bi odgovarati obrazovanju studenta u okviru područja njegova studija te osobnim razvojnim potrebama. Studenti mogu obavljati jednu od aktivnosti navedenih u nastavku ili kombinaciju aktivnosti:

♣ razdoblje studija u inostranstvu na partnerskoj visokoškolskoj ustanovi Razdoblje studija u inostranstvu može da obuhvati i razdoblje stručne prakse. Samim tim se stvaraju i veze između akademskog i stručnog iskustva u inostranstvu. Aktivnost može biti organizovana na različite načine: jedna aktivnost da slijedi drugu ili obje u isto vrijeme.

♣ stručna praksa (studentska praksa) u inozemstvu Stručna praksa na radnom mjestu u inozemstvu podupire se tokom kratkog, prvog, drugog i trećeg ciklusa stručnog studija i, u slučaju mobilnosti unutar zemalja sudionica programa, u roku od najviše godinu dana nakon stjecanja diplome. To uključuje i „asistenturu“ za studente na nastavnoj praksi.

Radi što efikasnije provedbe mobilnosti i omogućavanja stjecanja vještina studentima, osnovano je partnerstvo između programa Erasmus+ i Horizon 2020. Tim će se partnerstvom omogućavati i promicati dodatne mogućnosti stručne prakse za studente i osobe koje su nedavno diplomirale i koje žele steći digitalne vještine i kompetencije potrebne za obavljanje poslova i napredovanje u gospodarstvu i društvu koji se neprestano digitalno mijenjaju

MOBILNOST OSOBLJA:

♣ razdoblja predavanja: daje mogućnost nastavnom osoblju visokoškolskih ustanova ili osoblju iz poduzeća da predavaju na partnerskoj visokoškolskoj ustanovi u inostranstvu. Mobilnost osoblja u svrhu predavanja može se odvijati u bilo kojem području studija / bilo kojoj akademskoj disciplini. Napomena: Minimalno trajanje mobilnosti je 5 dana (+2 dana putovanja), dok je maksimalno trajanje 58 dana (+2 dana putovanja), zavisno od toga kako je definirano u ugovoru. Predavanje treba sadržavati minimum 8 sati predavanja po sedmici.

♣ razdoblja obuke: u ovom segmentu insistira se na profesionalnom razvoju nastavnog i nenastavnog osoblja na visokoškolskim ustanovama, kao i razvoj svih uključenih ustanova. Može se odvijati u obliku osposobljavanja u inozemstvu (osim konferencija) i stručne prakse u partnerskoj visokoškolskoj ustanovi ili nekoj drugoj relevantnoj ustanovi u inostranstvu. Također postoji i mogućnost kombiniranja aktivnosti poučavanja i osposobljavanja, za vrijeme boravka u inostranstvu. Napomena: Osoblje mora biti zaposleno na partnerskoj instituciji (u trenutku nominacije i u trenutku mobilnosti). Minimalno trajanje mobilnosti je 5 dana (+2 dana putovanja), dok je maksimalno trajanje 58 dana (+2 dana putovanja), zavisno od toga kako je definirano u ugovoru.

Dokumenti za ostvarivanje saradnje između Univerziteta

Da bi se pristupilo aktivnosti međunarodne kreditne mobilnosti, potrebno je sklopiti i usvojiti sljedeći niz ključnih dokumenata:

- a) glavni sporazum (the Grant Agreement)
- b) međuinstitucijski sporazum (Inter-Institutional Agreement),
- c) ugovor o učenju/mobilnosti (Learning and Mobility Agreement),
- d) ugovor učesnika (the Participants Grant Agreement).

a) **Glavni sporazum (Grant Agreement)**. Ugovor koji potpisuje visokoobrazovna ustanova iz grupe programskih zemalja i njihova Erasmus+ nacionalna agencija, a kojim se omogućava i definira finansijska podrška za mobilnost. Uzimajući u obzir da Bosna i Hercegovina ulazi u grupu partnerskih zemalja, a samim tim i sve visokoobrazovne ustanove u njoj, ne može se direktno prijaviti za ovaj grant. Samo visokoobrazovne institucije iz grupe programskih zemalja mogu se prijaviti za grant kojim se finansira akademska mobilnost. Nakon otvaranja poziva, visokoobrazovna ustanova u programskoj zemlji dostavlja svoj projektni prijedlog nacionalnog agenciji. Nakon čega najuspješnijim prijavama visokoobrazovnih nacionalna agencija dodjeljuje grant koji pokriva troškove mobilnosti studenata, nastavnika i saradnika. Ovaj grant uključuje troškove individualnih stipendija, putne troškove kao i dio granta za podršku implementacije i organizacije.

Važno je naglasiti da **inicijativa za saradnju između dvije institucije može biti preduzeta i od partnerske zemlje, ali konačna aplikacija za finansijski grant mora biti pokrenuta samo od institucije iz grupe programskih zemalja.**

b) **Međuinstitucijski sporazum (Inter-Institutional Agreement)** je sporazum koji potpisuju dvije visokoobrazovne ustanove (jedna iz programske i jedna iz partnerske zemlje). U sklopu ovog sporazuma institucija koja šalje i institucija koja prima kandidate dogovaraju se o oblastima studijskih programa koji su dati u ponudi za strane studente kao i opcijama za razmjenu nastavnika i saradnika. Ovim sporazumom se garantira da će institucija koja šalje kandidata priznati kredite koje je stipendista ostvario na instituciji domaćinu. Međuinstitucijski Erasmus+ sporazum potpisuju predstavnici tih institucija (legal representative). Izgled i sadržaj ovog dokumenta unaprijed je utvrđen i propisan. Potpisivanjem ovog ugovora obje institucije se obavezuju da će poštovati sadržaj potpisanog dokumenta te da će stalno raditi na poboljšanju mobilnosti.

c) **Ugovor o učenju/radu/istraživanju (Learning and Mobility Agreement)**

Ugovorom o učenju (Learning Agreement) utvrđuje se koji će studijski program student pratiti, ciljevi te mobilnosti kao i formalni koraci u vezi sa priznavanjem ispita. Na samom početku (prije mobilnosti) potrebno je odrediti studijski program koji će student pratiti, te navesti sve ostale neophodne kontakt podatke. Za vrijeme mobilnosti moguće je izvršiti određene izmjene u ovom ugovoru, međutim to je neophodno izvršiti u prvih pet sedmica od početka svakog semestra. Nakon mobilnosti ustanova koja je primila studenta priprema prepis ocjena, dok ustanova koja šalje studenta obavezuje da će predmete priznati na osnovu izdatog dokumenta.

Ugovorom o praksi (Learning Agreement for Traineeship) se za pojedinog studenta ugovara program stručne prakse na instituciji domaćinu. Ugovor o stručnoj praksi može se sklapati na temelju institucionalnog sporazuma ili neovisno od njega ukoliko je tako propisano za određene profesije. Stručna praksa ostvarena kroz mobilnost za regulirane profesije mora biti prethodno usklađena sa kurikulumom (trajanje i vrste aktivnosti) da bi bila priznata kao obavezna stručna praksa u okviru nastavnog procesa (kreditni fond).

Ugovorom o mobilnosti (Mobility Agreement for Teaching and Training) utvrđuju se prava i obaveze svih potpisnika kao i aktivnosti akademskog i/ili administrativnog osoblja. Potpisuju ga sve tri strane.

d) **Ugovor učesnika (the Participants Grant Agreement)** Konačno, ovaj ugovor potpisuje stipendista (student, akademsko ili administrativno osoblje) koji učestvuje u mobilnosti i visokoobrazovna ustanova iz programske zemlje u koju stipendista odlazi. Isti je slučaj i sa stranim studentima, akademskim i administrativnim osobljem (sklapa se između njih i njihove matične visokoobrazovne ustanove iz programskih zemalja.) Ovim ugovorom utvrđuje se finansijska podrška i isplata stipendije i putnih troškova učesniku mobilnosti.

Iznosi Erasmus+ stipendija

Svi učesnici koji su nominirani prema međuinstitucijskom ugovoru ostvaruju pravo na Erasmus+ stipendiju koja služi za pokrivanje životnih i putnih troškova. Studenti ne plaćaju školarinu, no manji iznosi – kao što su dokumenti za registraciju, članstvo u biblioteci i taksu za ispite – mogu biti naplaćeni.

STUDENTI

Iznosi stipendija za troškove života za studente (BA, MA, PhD) iz partnerskih zemalja (Univerzitet u Sarajevu, Bosna i Hercegovina) kreću se u zavisnosti od troškova života u programskoj zemlji u koju student odlazi (pogledati tabelu ispod).

	Zemlje prema starim sporazumima zaključenim u periodu 2015–2018.	Iznos u starim sporazumima zaključenim u periodu 2015–2018.	Grupe zemalja prema novim sporazumima (odobrenim u pozivu za 2018. godinu)	Iznos u novim sporazumima (odobrenim u pozivu za 2018. godinu)
Grupa 1 programske zemlje sa visokim troškovima života	Danska, Finska, Irska, Švedska, Velika Britanija, Lihtenštajn, Norveška, Francuska, Italija, Austrija	850 eura mjesečno	Danska, Finska, Island, Irska, Luksemburg, Švedska, Velika Britanija, Lihtenštajn, Norveška	900 eura mjesečno

Grupa 2 programske zemlje sa srednjim troškovima života	Belgija, Češka Republika, Njemačka, Grčka, Španija, Hrvatska, Kipar, Luksemburg, Nizozemska, Portugal, Slovenija, Island, Turska	800 eura mjesečno	Austrija, Belgija, Njemačka, Francuska, Italija, Grčka, Španija, Kipar, Nizozemska, Malta, Portugal	850 eura mjesečno
Grupa 3 programske zemlje sa niskim troškovima života	Bugarska, Estonija, Latvija, Litvanija, Mađarska, Poljska, Rumunija, Slovačka, BJR Makedonija, Malta	750 eura mjesečno	Bugarska, Hrvatska, Češka Republika, Estonija, Latvija, Litvanija, Mađarska, Poljska, Rumunija, Slovačka, Slovenija, BJR Makedonija, Turska, Srbija	800 eura mjesečno
Programske zemlje	Bosna i Hercegovina	650 eura mjesečno	Bosna i Hercegovina	700 eura mjesečno

Akademsko/administrativno osoblje

Akademsko i administrativno osoblje iz partnerskih zemalja ostvaruje pravo na dnevnicu za troškove života u iznosima:

Programska zemlja (po starim sporazumima)	Akademsko/administrativno osoblje iz partnerske zemlje (po starim sporazumima)
Danska, Irska, Holandija, Švedska, Velika Britanija	160 eura dnevno
Belgija, Bugarska, Češka Republika, Grčka, Francuska, Italija, Kipar, Luksemburg, Mađarska, Austrija, Poljska, Rumunija, Finska, Island, Lihtenštajn, Norveška, Turska	140 eura dnevno
Njemačka, Španija, Latvija, Malta, Portugal, Slovačka, BJR Makedonija	120 eura dnevno
Estonija, Hrvatska, Litvanija, Slovenija	100 eura dnevno

Programska zemlja (odobreno u pozivu za 2018. godinu)	Iznos u novim sporazumima (odobreno u pozivu za 2018. godinu)
Danska, Finska, Island, Irska, Luksemburg, Švedska, Velika Britanija, Lihtenštajn, Norveška	180 eura dnevno
Austrija, Belgija, Njemačka, Francuska, Italija, Grčka, Španija, Kipar, Nizozemska, Malta, Portugal	160 eura dnevno
Bugarska, Hrvatska, Češka Republika, Estonija, Latvija, Litvanija, Mađarska, Poljska, Rumunija, Slovačka, Slovenija, BJR Makedonija, Turska, Srbija	140 eura dnevno

3.2. Putni troškovi

Putni troškovi su isti za sve stipendiste) i pokriveni su do određenog iznosa, zavisno od udaljenosti od matične institucije do institucije domaćina. Maksimalni putni troškovi su izračunati prema udaljenosti između dvije institucije, a iznosi su dati u tabeli ispod.

Udaljenost	Iznos
između 10 i 99 km	20 eura po učesniku
između 100 i 499 km	180 eura po učesniku
između 500 i 1999 km	275 eura po učesniku
između 2000 i 2999 km	360 eura po učesniku
između 3000 i 3999 km	530 eura po učesniku
između 4000 i 7999 km	820 eura po učesniku
8000 km i više	1.500 eura po učesniku

Putni troškovi obično se uplaćuju zajedno sa stipendijom, što znači da sami kupujete putnu kartu a onda vam se naknadno isplaćuje iznos. Ukoliko nije drugačije dogovoreno, kupovinu karata (putne troškove) također mogu obaviti institucije iz programskih zemalja.

Iznosi su izračunati na osnovu kilometraže između institucija u partnerskoj i programskoj zemlji, koristeći isključivo „distance calculator” kao jedini priznati izvor informacija o udaljenosti.

Link: http://ec.europa.eu/programmes/erasmus-plus/tools/distance_en.htm

3.3. Troškovi osiguranja i vize

Troškovi osiguranja i vize nisu uključeni u stipendiju i stipendista je dužan da se pobrine za te stavke u vlastitom aranžmanu. Osiguranje treba pokrivati minimalno: zdravstvenu njegu, te medicinski prevoz bolesne i povrijeđene osobe njihovoj matičnoj zemlji i ostalo. Ipak, neki EU univerziteti pokrivaju i troškove osiguranja, te je uputno provjeriti sa institucijom domaćinom da li postoji ta mogućnost.

3.4. Troškovi smještaja

Troškovi smještaja plaćaju se iz iznosa stipendije koji student odnosno akademsko/administrativno osoblje primi kao mjesečni iznos (dnevnicu).

3.5. Troškovi školarine

S obzirom da Erasmus+ međunarodna kreditna mobilnost ne podrazumijeva stipendiju za cijeli studij, već boravak u trajanju 1-2 semestra, školarina za taj period je pokrivena ugovorom te studenti nisu u obavezi da je plaćaju.